

Føresegner for kommunedelplan fv. 670 Ålvundfoss-Rakaneset, Sunndal kommune (Todalsfjordprosjektet)

PlanID: 1563-20191110

Kommunen sitt sak-/arkivnr: 19/02590

Planforslag datert: 19.12.2019

Revidert etter offentlig ettersyn 11.11.2020

Vedtatt i kommunestyret: 25.11.2020, sak 92/20

§ 1 AVGRENSING OG FORMÅL

1.1 Planavgrensing

Kommunedelplanen omfattar plankart i målestokk 1:5000, føresegner og planomtale. Planområdet er vist med kommuneplangrense (KpGrense). Planføresegnene gjeld for dei områda som ligg innanfor plangrensa.

1.2 Føremålet med planen

Føremålet med planen er å legge til rette for detaljregulering og utbygging av ny fv. 670 på strekninga Ålvundfoss til Rakaneset, med hengebru over Todalsfjorden frå Rakaneset til i Svinvika Surnadal kommune.

1.3 Arealføremål

Kommunedelplanen omfattar følgjande føremål:

Samferdselsanlegg og teknisk infrastruktur (pbl § 11-7, nr. 2)

- Veg (SV)
- Hovudveg (linjesymbol)
- Hovudveg tunnel (linjesymbol)
- Hovudveg bru (linjesymbol)
- Vegkryss (punktsymbol)

Landbruks-, natur og friluftsføremål (LNF) (pbl § 11-7, nr. 5)

- Landbruks-, natur og friluftsføremål (L)

Bruk og vern av sjø og vassdrag med tilhøyrande strandsone (pbl § 11-7, nr. 6)

- Farlei, VF
- Natur, fiske, ferdsel, friluftsliv (V)

1.4 Omsynssoner

Kommunedelplanen omfattar følgjande omsynssoner:

Sikrings-, støy- og faresoner (pbl § 11-8, bokstav a)

- Støysone raud (H210) og gul (H220)
- Aktsemdsone skredfare (H310)
- Aktsemdsone flaumfare (H320)

§ 2 FELLESFØRESEGNER

2.1 Krav om detaljregulering

Ny F670 mellom Surnadal og Sunndal kommune («Todalsfjordprosjektet») med tilhøyrande anlegg, skal ikkje byggast før det føreligg godkjent detaljregulering.

2.2 Byggjegrense

Byggjegrense langs offentlig veg er:

- 50 meter frå riks- og fylkesveg
- 15 meter frå kommunal veg
- 15 meter for gang- og sykkelveg (anten vegen er riksveg, fylkesveg eller kommunal veg).

Avstanden skal reknast frå midtlinja i høvevis kjørebana, eller gang- og sykkelvegen.

§ 3 SAMFERDSELSANLEGG OG TEKNISK INFRASTRUKTUR

3.1 Veg, SV

Område sett av til veg (SV) kan nyttast til offentlege og private køyreveggar med nødvendig areal for fylling, skjering, grøfter og anna sideareal, teknisk infrastruktur, parkering, kollektivtiltak og anna som naturleg høyrer til veganlegget.

§ 4 LANDBRUKS-, NATUR- OG FRILUFTSFORMÅL

§ 4.1 Landbruk-, natur- og friluftsområde, L

Område sett av til Landbruk-, natur- og friluftsområde (L) kan nyttast til jord- og skogbruk, friluftsføremål, eller ligge som urørte naturområde.

Områda L1 og L3 kan settast av som midlertidig rigg- og anleggsområde ved detaljregulering.

§ 5 BRUK OG VERN AV SJØ OG VASSDRAG MED TILHØYRANDE STRANDSONE

5.1 Natur, fiske, ferdsel, friluftsliv, V

Etablering av bru for kryssing av Todalsfjorden er tillate. Andre tiltak eller inngrep som er i konflikt med natur, friluftsliv, ferdsel eller fiske er ikkje tillate. Det kan etter søknad tillatast etablering av sjøleidningar for vatn, avløp, el- og telenett. Etablering av akvakulturanlegg og oppdrettsanlegg er ikkje tillate.

5.2 Farlei, VF

Etablering av bru for kryssing av Todalsfjorden er tillate. Innanfor område avsett til farlei (VF) skal det vere fri seglingshøgde tilsvarende 25 meter i samsvar med vilkåra i Kystverket sin farleinormal. Andre tiltak eller inngrep som er i konflikt med natur, friluftsliv, ferdsel eller fiske er ikkje tillate. Det kan etter søknad tillatast etablering av sjøleidningar for vatn, avløp, el- og telenett. Etablering av akvakulturanlegg og oppdrettsanlegg er ikkje tillate.

§ 6. OMSYNSSONER

6.1 Støysone raud, H210

Innanfor område vist som omsynssone H210 er det ikkje tillate med støykjensleg utbygging. Retningslinje for behandling av støy i arealplanlegging T-1442/2016 med eventuelle seinare revisjonar skal ligge til grunn for vurdering av støy i plan- og utbyggingssaker innanfor sona.

6.1 Støysone gul, H220

Innanfor område vist som omsynssone H220 er det ikkje tillate med støykjensleg utbygging utan at det er dokumentert at støytilhøva er akseptable. Retningslinje for behandling av støy i arealplanlegging T-1442/2016 med eventuelle seinare revisjonar skal ligge til grunn for vurdering av støy i plan- og utbyggingssaker innanfor sona.

6.3 Aktsemdsone skred, H310

Innanfor område vist som omsynssone H310 skal det i samband med detaljregulering gjennomførast kartlegging og vurdering av skredfare.

6.4 Aktsemdsone flaum, H320

Innanfor område vist som omsynssone H320 skal det i samband med detaljregulering gjennomførast kartlegging og vurdering av flaumfare.

6.5 Faresone høgspenningsanlegg, H370

Område vist som omsynssone H370 er sikkerheitssone under og rundt høgspenlinjer. Tiltak i desse områda skal godkjennast av leidningseigar. Det kan gjennomførast nødvendig vegetasjonsrydding. Det er ikkje tillate med tiltak som legg til rette for varig opphald innanfor sona.

6.6 Bandlegging etter anna lovverk, H740

Område vist som omsynssone H740 er bandleggingssone for høgspenlinje i regionalnettet. Tiltak i desse områda skal godkjennast av leidningseigar, og må rette seg etter reglene i energilova med tilhøyrande forskrifter, og vedtak i medhald av desse. Det kan gjennomførast nødvendig vegetasjonsrydding. Det er ikkje tillate med tiltak som legg til rette for varig opphald innanfor sona

